

TARDE NUESTRE – SPAL = 1 A O... CE GOL!... E CE FAVUGNE!

L'ha mann't Aldo "Diecipalazzine"
martedì 13 settembre 2011

Madòòòòòòò uagnùùùù! Ce cavete ajere o cambe! Se sudave mmocche. Stavene cristiane ca se scuagghiavane sane sane! Dave a mane a une e rumanive nzeccate! E cce cose? Finalmente honne accumenzate le partite o cambe. Ame viste tutte l'“amice e n'“avime devertute. A veretade, “u cambe addò sciochene, face proprie sckife. Fa ca jè “nu cambe de patane. Ce gol ha fatte Mimmo mije de Giuanne nuestre. Accome alle cendravande averamende .. ehehehe“ otre ca “u 3-4-3, “u 3-4-1-2“ ce stè date le numere? Accussì se scioche o pallone! Sckaffe “nu tire accome se deve (“na sbunnate) e se vengene le partite. “U Tarde nuestre ha sciucate “nu belle prime timbe.

CHIARETTI ha fatte “na granda partite accome trequartiste (ha vingiute pure “na casce de trequarte d'“a Raffo“ eheheh). Ame sciucate cu do punde. GUAZZO e MIMMOMIO. GUAZZO n'“otre picche e segnave, ce no mannave “u pallone a via Ancona, a ccase de “na cristiane ca javete de fronde. Pure COLY ste segnave n'“otre picche, ma ha pigghiate “a traverse. BREMEC s'“ha tagghiate le capidde da Ciaccia e GIOACCHINE DEGASPERI (tutt'“attaccate) no n'“nge ha sciucate ca s'“ha fatte male. Uagnù! Ma no jè “u cambe ca fasce scuascià alle sciucature? Mah! “A Spal ha sciucate a fizzate, e ce no jeve pe “nu lisce de COLY (ca nemmanghe Raoul Casadei) n'“aveve fatte proprie ninde. “U seconde timbe ha state “nu chiande. Stavene quattromilecinquecende cristiane sott'“u sole e se sendevene assaje“ se sendevene pure piccè sudavene accome le cavalle“ ce fffizzeeee! Eheheheh! Mò n'“attoche n'“otra vote “u LUMIZZANE“ mercoledì, accome alle coppe. Forza Uagnù“ è Tuttapposte!